

Am Mee
Anno 1910

Als Buam semer garn am Mee nunterganga
Dort an dem Wasser wor immer was los
Da ham die Manner mit langa Stanga
Mitten im Fluß gerenkt ihr Floß.

Vo untenrauf is die Meekuh gakrochen
Die ham mer scho immer sähr garn gemocht
Un auf den Schiff - mir ham's fei garochen
Do ham die Schiffseut ihr Assen gakocht.

Van obern Mee ham's am Sand hargebracht
Und an Schelch am Ufer wieder leer gemacht
Von Hinterland sen die Bauern dann kumma
Und hem für a Mark a Fuhr' mitgenumma.

In der Wirtschaft ham sa dann Brotzeit gemacht
Dara Küh' ham sa a Büschela Hä mitgebracht
A gemischtes Stölla und a Krügla Bier
Dös wor a gemütliche Zeit sog ich Dir.

